

8. landsfundur Kvennalistans

3. og 4. nóvember 1990 að Hrafnagili í Eyjafirði

1. Elín Stephensen setti fund fyrir hönd undirbúningsnefndar, sem i voru auk hennar Sigurborg Daðadóttir og Gunnhildur Bragadóttir Norðurlandi eystra.

Fundarstjórar voru tilnefndir þær Stefánia Arnórsdóttir og Valgerður Magnúsdóttir. Fundarritarar voru tilnefndir Hilda Torfadóttir og Lára Ellingsen.

2. Ingibjörg Hafstað kynnti skýrslu framkvæmdaráðs sem lögð var fram á fundinum.

3. Sigrún Jónsdóttir lagði fram reikninga Kvennalistans fyrir 1990 og voru þeir samþykktir. Reikningar 1989 höfðu verið samþykktir á samráðsfundi í febrúar s.l.

Sigrún benti á að miðað við kostnað Kvennalistans við síðustu alþingiskosningar (3,5 milljónir) mætti reikna með því að kostnaður við næstu alþingiskosningar yrði ekki undir 7 milljónum fyrir Kvennalistann í heild.

4. Valgerður Guðjónsdóttir kvaddi sér hljóðs utan dagskrár og bar fram tillögu þess efnis að tekinn yrði inn nýr liður: lagabreytingar. Eftir nokkrar umræður var ákveðið að kynna lagabreytingar fyrir kaffi og taka þær síðan til umræðu og afgreiðslu undir liðnum önnur mál.

5. Sigrún Helgadóttir kynnti skýrslu umhverfishóps sem send hafði verið til landsfundargesta og sagði frá nýafstöðnu Náttúruverndarþingi þar sem Kvennalistakonur höfðu látið mikið að sér kveða.

Nefndin leggur til að gefið verði út veggspjald með hvatningarorðum um umhverfisvernd og auglýsti Sigrún eftir hugmyndum.

6. Edda Magnúsdóttir kynnti skýrslu áróðurshóps og afhenti hverjum anga pakka með fræðsluefni og bæklinga og bréf sem senda á í alla framhaldsskóla í landinu.

7. Ragnhildur Vigfúsdóttir kynnti starf í hópi um stöðu kvenna 1990. Hún lagði fram vinnuplaðg frá hópnum og bað um ábendingar og vinsamlega gagnrýni. Hópurinn vill fá handritin

aftur með athugasemdum frá öngum. Niðurstöður verða síðan gefnar út.

8. Þóranna Pálssdóttir fylgdi úr hlaði skýrslu hóps um launamál kvenna sem send hafði verið til landsfundargesta. Hún ræddi um stefnuskrárdrögin en hópnum fannst kaflinn í þeim um of lýsing á því sem var og er en þar setti aðeins að vera markmið Kvennalistans.

Þóranna ræddi frá eigin brjósti um fyrirhugaðar kosningar, finnst Kvennalistinn hafa tilgang og hafa náð árangri og Kvennalistakonur því eiga erindi á þing. Ef við settum ekki fulltrúa á þingi yrði ekki rætt við konur um fjármál, stóriðju ofl.

9. Ingibjörg Sólrún Gísladóttir lagði fram skýrslu EB hópsins, sem hafði verið sendur landsfundarkonum fyrir fund. Í skýrsluna vantar upplýsingar um fundi með Birgi Birni hjá BHMR og Kristinu Einarssdóttur sem nýkomin var heim frá aðalstöðvum EB. Um þessa fundi má lesa í fundargerðabók hópsins.

10. Guðrún Halldórsdóttir sagði frá starfi atvinnumálahóps, en lagði ekki fram skriflega skýrslu. Hópurinn leggur mikla áherslu á atvinnustefnu til lengri tíma sem byggi á fjölbættu atvinnulífi, sem ekki byggist á stórum fyrirtækjum heldur mörgum og miölungi stórum. Hún sagði einnig frá ónýttum möguleikum í norrænni samvinnu sem hefði yfir fjármunum að ráða.

11. Valgerður Guðjónsdóttir kynnti tillögur til lagabreytinga.

Kaffihlé.

12. Kristín Einarssdóttir flutti hugvekju: Staðan í stjórnmálunum í dag.

Að lokinni hugvekju Kristínar urðu umræður og tóku fjórar konur til máls.

13. Elín Stephensen lagði fram tillögur frá Norðurlandsanga eystri um útskiptareglur Kvennalistans og urðu miklar umræður um tillögurnar. Frekari umræðum og afgreiðslu var frestað til morguns og verða þær teknar til frekari umræðu og afgreiðslu undir liðnum önnur mál.

Matarhlé.

14. Elín Antonsdóttir flutti erindi um kosningar.
15. Pórhildur Þorleifsdóttir flutti erindi um stefnuskrármótun.

Miklar umræður urðu í kjölfar erindanna, en síðan var skipt í hópa og umræðum haldið áfram í þeim að loknu eftirmiðdagskaffi.